

Na osnovu člana 31. Zakona o sudovima u Federaciji Bosne i Hercegovine („Službene novine Federacije BiH“, broj 38/05, 22/06 i 63/10, 72/10 i 7/13), Zakona o trezoru u Federaciji Bosne i Hercegovine („Službene novine Federacije BiH“, broj 26/16), Računovodstvenih politika za federalne budžetske korisnike i Trezor („Službene novine Federacije BiH“, broj 58/16) i Smjernica za uspostavu i jačanje interne kontrole kod budžetskih korisnika („Službene novine Federacije BiH“, broj 19/05), predsjednik Vrhovnog suda Federacije Bosne i Hercegovine, d o n o s i:

RAČUNOVODSTVENE POLITIKE

VRHOVNOG SUDA U FEDERACIJI BOSNE I HERCEGOVINE

Član 1.

Vrhovni sud Federacije Bosne i Hercegovine (u daljem tekstu: Vrhovni sud) u svom poslovanju u cijelosti koristi računovodstvene politike donesene od strane Federalnog ministarstva finansija/financija za federalne budžetske korisnike i Trezor, obzirom da nema drugačije poslovne događaje koji bi zahtjevali dodatna pravila za njihovo knjiženje

Član 2.

Priznavanje prihoda i primitaka, rashoda i izdataka sadržanih u glavnoj knjizi provodi se prema računovodstvenom načelu modificiranog nastanka događaja(modified accrual basis). To znači da se prihodi i primici priznaju u računovodstvenom razdoblju u kojem su mjerljivi i raspoloživi. Prihodi i primici su mjerljivi kad ih je moguće iskazati vrijednosno, a raspoloživi kad su ostvareni unutar obračunskog perioda ili ubrzo nakon toga kako bi se mogli koristiti za plaćanje obaveza.

Priznavanje rashoda i izdataka prema ovom načelu vrši se tako što se rashodi priznaju u obračunskom razdoblju u kojem je obaveza za plaćanje i nastala , bez obzira na to kada je plaćanje izvršeno.

Član 3.

Pomoćne knjige (knjiga stalnih sredstava, sitnog inventara, knjiga blagajne, knjiga ulaznih faktura, blagajnički dnevnik i druge knjige za koje se ukaže potreba za uvođenje određenih evidencija), vode se u skladu sa Pravilnikom o materijalnom poslovanju Vrhovnog suda Federacije Bosne i Hercegovine i Uputstvom o blagajničkom poslovanju Vrhovnog suda Federacije Bosne i Hercegovine.

Način vođenja pomoćnih knjiga iz predhodnog stava ovog člana je propisan Pravilnikom o materijalnom poslovanju Vrhovnog suda i Uputstvom o blagajničkom poslovanju Vrhovnog suda.

Član 4.

U Vrhovnom sudu knjiženja se vrše u skladu sa Pravilnikom o knjigovodstvu budžeta-proračuna u Federaciji Bosne i Hercegovine i Računovodstvenim politikama za federalne budžetske korisnike i Trezor. Knjiženja se vrše na nivou analitičkog konta.

Član 5.

Vrhovni sud je vrednovanje zaliha, organizovanje popisa, stvaranje obaveza, plaćanje faktura, blagajničko poslovanje, kao i kretanje računovodstvene dokumentacije uredio svojim internim aktima, pravilnicima i uputstvima.

Član 6.

Danom stupanja na snagu ovih Računovodstvenih politika prestaju da važe Računovodstvene politike Vrhovnog suda u Federaciji Bosne i Hercegovine broj: **070-0-Su-16-000828** od **07.07.2016.godine**.

Broj: 070-0-Su-16-001018
Sarajevo, 15.09.2016.godine

PREDSJEDNIK
VRHOVNOG SUDA FBiH

Milorad Novković

Dostaviti:

1. predsjedniku Vrhovnog suda
2. sekretaru
3. šefu Odsjeka za računovodstveno-materijalne poslove
4. stručnom savjetniku za internu kontrolu
5. a/a